

बलभद्र कृत शिखनख ।

केश वर्णन कवित्त ।

सरकत-सूत किधों पन्नग के पूत किधों रा-
जत अभूत तमराज कैसे तार हैं । मखतूल गुन
ग्राम सोभित सरस स्याम काम मृग कानन कि
कुहू के कुमार हैं ॥ कोप की किरिनि कैधों
नीलनलिनी के तंतु उपमा अनन्त चारु चँवर
सिँगार हैं । कारे सटकारे भीजे सोंधे सो सरस
बास ऐसे बलभद्र नवबाला तेरे बार हैं ॥ १ ॥

पाटी वर्णन ।

दरस दरस को परस होत बलभद्र कैधों
है सरस साला सनि सुरभान की । रसराज
पच्छी के उभय पच्छ राजी कैधों छाहँ बैठ्यो
छपाकर मेचक वितान की ॥ तम के पटल ल-
पटाने हेमकूट सों कै सघन कदम्बिनी कसौ-
टी पंचवान की । पाटी तेरी तरुनी जुगल ऐसी